



COMUNE DE S'ULUMEDU

Provìntzia de Tàtari

Setore: **ÀREA VIGILÀNTZIA**

Servìtziu: **Polìtzia locale**

Responsàbile: **Strada Edvige**

Ordinàntzias n. **19** de su **30.05.2025**

Ogetu: **INTEGRATZIONE A S'ORDINÀNTZIA N. 18 DE MODÌFICA TEMPORÀNEA DE SA TZIRCULATZIONE ART. 6 E 7 CDIs IN OCASIONE DE SA CONGRUIDA DE SOS FESTEGIAMENTOS DE SU MESE MARIANU 31/05/2025**

SA RESPONSÀBILE DE SU SERVÌTZIU

TORRADA A CRAMARE de su totu s'ordinàntzia n. 18 de su 27/05/2025 (serrada de su Mese Marianu) in sa cale benint dispostas measuras temporàneas a sa tzirculatzione in custu Comune, pro sa bona resèssida de sos festegiamentos in onore de N.S. de Tàlia, Santa Patrona de sa bidda;

CUNSIDERADU chi si faghet netzessàriu pro pòdere garantire sa resèssida de s'ammanadura de s'eventu protzèdere ebbia a sa serrada de s'àrea de s'anfiteatru proibende nde sa firmada a cale si siat metzu a parte de intro de issa;

APRETZIADU pro cussu de dèvere a manera cumbeniente disciplinare su tràficu de sas màchinas, pro evitare intasamentos o perìgulu pro chie andat a pè, in s'àrea urbana interessada;

BIDOS sos art. 5, 6, 7, 21, 37 e 159 de su D.Lgs. 30 de aprile 1992, n° 285 e mm.ii.ii.;

BIDOS sos art. dae su n. 30 a su n. 43 de su D.P.R. 16 de nadale 1992, n° 495 e mm.ii.ii.;

BIDU su decretu sindagale, n. 3 de su 31 de austu 2023, in vigore dae su 01 de cabudanni 2023, cun su cale sunt istados nominados sos responsàbiles de sos servìtzios pro s'annualidade 2023-2025;

ÒRDINAT

IN SU PERÌODU CUMPRESU DAE SAS ORAS 06:00 DE SU 31 DE MAJU E FINAS A SAS ORAS 01:00 DE SU 01 DE LÀMPADAS 2025 SU TRÀFICU EST DISCIPLINADU, COMENTE INDICADU DAE SIGNALÈTICA APÒSITA, IN SA MANERA SIGHENTE:

- EST PROIBIDU SU PASSÀGIU E SA FIRMADA DE SAS MÀCHINAS IN CARRERA MATTEOTTI EBBIA IN SU PIATZALE DE S'ANFITEATRU;

DÈROGAS:

Sunt autorizados a sa tzirculatzione in sas àreas proibidas subranaradas:

- a. sos assegnatàrios de postègiu cun màchina fatu;
- b. sos metzos de sucursu;
- c. sas màchinas in servìtziu a sas Fortzas de s'Òrdine;
- d. sas màchinas a servìtziu de sas pessones disàbiles cun disàbile intro.

S'Ufitziu Tècnicu, pro mèdiu de personale cumpetente, at a contivigiare de fàghere nòdida s'Ordinàntzia presente pro mèdiu de aposizione de sa signalètica prescrita.

Est fatu òbligu de respetare s'Ordinàntzia presente, chie si siat violet sas dispositziones chi bi sunt cuntènnidas at a èssere santzionadu segundu cantu prevididu dae su Còdighe de s'Istrada in vigèntzia. Sos Agentes Comunales e de sa Fortza Pùblica sunt incarrigados de s'esecutzione de s'Ordinàntzia presente.

Contra a s'ordinàntzia presente est ammitidu ricursu, in bia giurisditzionale, a su Tribunale Amministrativu Regionale de sa Sardigna cun sede in Casteddu intro de 60 (sessanta) dies o, in bia alternativa, a su Presidente de sa Repùblica intro de 120 dies, tèrmines custos chi decurrent dae sa publicatzione de su provedimentu presente in sas formas de lege.

In relatzione a su dispostu de s'art. 37, comma 3, de su D.Lgs 30/04/1992 n. 285 e mm.ii.ii., semper in su limite de 60 dies dae sa publicatzione, at a pòdere èssere propostu ricursu, da chie si siat apat interessu a s'aposizione de sa signalètica, in relatzione a sa natura de sos signales postos, a su Ministèriu de sas Infrastruturas e de sos Trasportos, segundu sa protzedura previdida dae s'art. 74 de su D.P.R. 16/12/1992 n. 495 e mm.ii.ii.

Tradutzione de s'operadora de s'isportellu linguìsticu de S'Ulumedu

Maria Leonarda Correddu

Atividade realizada cun su contributu de sa L. 482/99 e L.R. 22/18.